

الوسائل المفيدة للحياة السعيدة
(للحرمين و الجمعية)

**Akwan a eho wɔ mfasoɔ ma
anigyee asetena.**

Akwan a ɛho wɔ mfasoɔ ma anigyee asetena.

Sheikh Abd al-Rahman ibn Nasir Sa'adi

Akwan a ɛwɔ mfasoɔ ma anigyee asetena

ɔkyerɛwfo

Shaikh Abd al-Rahman ibn Nasir Saadii -

Onyame ahunumɔbrɔ nka nɔ

Nsem a ɛdikan/ Nnianim nsem.

Aseda nyinaa nka Allah, Nea aseda nyinaa ye Ne dea, na medi adanseɛ sɛ Onyame biara nni ho a ɔsɛ sɛ yesom no gye Allah, Ɔno nkoa na ɔnni ɔhokafoɔ biara; na medi adanseɛ nso sɛ Muhammad ye N'akoa ne Ne Somafoɔ. Nhyira ne asomdwoe nka no, ne n'abusua, ne n'ahokafoɔ.

Afei deɛ/Eno akyeri: Nokorɛ mu no, akoma mu ahomka, asomdwoe ne anigyee, ne sɛ obi dadwen ne n'awerɛhoɔ bɛfiri ho no, ɛno ne adeɛ a obiara hwehwɛ. Enam so na wɔnya asetena pa, na anigyee ne ahurisdie wie pɛye. Na wei nso, ɛwɔ akwan a ɛfa ɔsom ho, abɔdeɛ ho, ne dwumadie ho. Na yei nyinaa ntumi nka mmom gye sɛ ɛye ma agyidifoɔ nko ara. Na wɔn a wɔnye saa no deɛ, sɛ wɔnya bi mpo a enam ɔkwan bi so a wɔn mu anyansafoɔ bɔ ho mmɔden a, ennee na wɔahwere akwan a ɛwɔ mfasoɔ paa, na etim ho, na ɛye papa wɔ tebea ne awieɛ mu.

Nanso, wɔ me nkrato yi mu no, mɛka ntirisoo a ɛba me tirim no afa saa botaeɛ a ɛkorɔn a obiara pere hwehwɛ no ho.

Wɔn mu bi nyaa mu pii na wɔtenaa ase anigyee mu, na wɔdii nkwa pa. Na wɔn mu bi nso annya mu hwee na wɔtenaa ase awerehoɔ mu, na wɔdii mmɔborɔfoɔ nkwa. Na wɔn mu bi nso wɔ ntam ntam, gyina adom a wɔnyaee no so. Onyankopɔn na ɔma nkonimdi, na Ɔno na wɔsrɛ no mmoa wɔ papa nyinaa so, ne bɔne nyinaa pam so.

Ɔfa: Gyidie ne Dwumadie papa

Na nnyinasoɔ kesee pa ara a eye ne fapem no ne gyedi ne adwuma pa, ɔsoro Nyankopɔn kaa sɛ:

﴿مَنْ عَمِلَ صَالِحًا مِّن ذَكَرٍ أَوْ أَنشَىٰ وَهُوَ مُؤْمِنٌ فَلَنُحْيِيَنَّهٗ حَيَوةً طَيِّبَةً وَلَنَجْزِيَنَّهُمْ أَجْرَهُم بِأَحْسَنِ مَا كَانُوا يَعْمَلُونَ﴾ (97)

Obi a ɔbedi dwuma pa bi no, sɛ ɔye ɔbarima anaase ɔbaa na ɔye gyidieni a, Yebɛma no atena asetena pa mu, na ampa nso sɛ Yebɛma wɔn dwuma a wɔdiie no so akatua pa paa. [Suratul An-Nahl:97].

Na Nyankopɔn bɔɔ amannee na Ɔbɔɔ anohoba maa wɔn a wɔwɔ gyidie na wɔye adwumapa no, de asetra pa wɔ wiase yi mu, ne akatua pa wɔ wiase yi mu ne tenabea a etra ho daa no mu.

Na deɛ nti a ete saa no da adi, na gyediefɔɔ a wɔwɔ Onyankopɔn mu gyidie pa no, a ɛma wɔye nnwuma pa a esiesie akoma ne suban ne wiase ne Awieɛɛ no, wɔwɔ nfapem ne nnyinasoɔ a wɔde gye biribiara a ɛba wɔn so, sɛ eye deɛ ede anyigye ne ahosepe ba, anaase deɛ ede dadwene, ɔhaw ne awerehow ba.

Wɔgye nneema a yɛpɛ ne anigyidɛɛ no tom, na wɔda ɛho ase, na wɔde yɛ deɛ ɛwɔ mfasoɔ soɔ, na sɛ wɔde di dwuma wɔ saa kwan yi so a, ɛma wɔnya anigyɛɛ wɔ mu, na wɔnya ɔpɛ sɛ ɛbetena hɔ akyɛ na nhyira aka ho, na wɔnya anidasoɔ wɔ wɔn a wɔda ase no akatua mu, nneema akɛsɛɛ a ne yiedie ne ne nhyira kyɛn anigyidɛɛ yi a ɛno ne n'aba no.

Na wɔ hyia ohaw ne asiane ne akuma sain ne awɛɛhow, ɛnam ɔko a wɔde tia deɛ wɔbetumi atia no so, ne deɛ wɔtumi brɛ no ase, ne Abotare papa ɛwɔ deɛ wɔnni ho kwan foforo biara mu. Na ɛnam wei so na wɔ nya nneema firi saa asiane no mu te sɛ ɔko a ɛwɔ mfasoɔ, nsuhwɛ, ne ahooɔden, na ɛfiri Abotare ne akatua hwɛhwɛ mu nso, wɔ nya nneema akɛsɛɛ a ɛma asiane no yera koraa, na anigye ne anidasoɔ papa na ɛsi ananmu, na wɔ nya apɛdɛɛ wɔ Nyame adom ne N'akatua mu, sɛdɛɛ Komwhene Nyame nhyira ne n'asomudwoe nka no kyɛɛkyɛɛ mu wɔ Hadith a ɛyɛ nokware no mu ɔkaa sɛ:

«عَجَبًا لِأَمْرِ الْمُؤْمِنِ، إِنَّ أَمْرَهُ كُلَّهُ خَيْرٌ، إِنْ أَصَابَتْهُ سَرَّاءٌ شَكَرَ فَكَانَ خَيْرًا لَهُ، وَإِنْ أَصَابَتْهُ ضَرَّاءٌ صَبَرَ فَكَانَ خَيْرًا لَهُ، وَلَيْسَ ذَلِكَ لِأَحَدٍ إِلَّا لِلْمُؤْمِنِ»

Ogyidini aɛm ɛyɛ nwanwa, ɛfiri sɛ n'asɛm nyinaa yɛ papa; sɛ adɛpa bi to no a ɔda ase, na ayɛ papa ama no, na sɛ amanɛɛ bi to no a ɔsi abotare, na ayɛ papa ama no, na woi nni hɔ ma obiara gye sɛ ogyidini. ɛfiri Muslim ho.

Enti ɔboɔ amanɛɛ sɛ ogyidini no n'akatua, ne papa, ne ne nnnwuma so aba dɔɔso mmɔho wɔ

anigyee ne amanee biara a ebeto no mu; eno nti, wohunu nnipa mmienue a asem pa anaa asem bone bi ato won a, nsonsonoe kesee da okwan a wofa so gye to mu no ntam, na eno gyina nsonsonoe a ewo won gyidie ne won adwumapa mu no so. Onipa a wode su mmienue yi abo ne din no gye papa ne bone nyinaa nam Aseda ne Abotare ne dee edi won akyi so, na ema onya anigyee ne ahurisie, na adwendwen ne awereho, ne koma-tutu, ne akoma-hiahia, ne asetena mu amanehunu nso tu yera, na asetena pa no di mu ma no wo asaase yi so. Na ofoforo no gye nnoma a do tom wo ahurisie bone, ahantanssem ne atirimsem mu. Enti ne suban sakra bone na ogye tom sedee mmoa gye tom wo aniberee ne ahopopo mu. Nanso eno nyinaa akyi no, n'akoma nni ho dwoodwo, na mmom abo apete wo afa bebre. N'adwene abo apete enam suro a wo se n'adodefob beyera no nti, ne nsoretia bebre a etaa firi mu ba nti; afei nso, nnipa akra ngyina baabi, na mmom eko so pe nnoma foforo a ebia ebaba anaase eremma. Na se onya mpo a, n'adwene nso nna ne so wo nnoma a yeaka ho asem no ho. Na ogye nnoma a eye tan no tom wo adwennwene, abasamtuo, suro ne nneyee yaw mu. Enti mmisa amanehunu a eba ne so wo asetena mu, ne adwene mu ne ntini mu yare, ne suro a etumi de no duru tebea a eye boni paa ne nnoma a eye hu na ehaw adwene paa no ho asem; efirise onhwe akatua biara kwan, na onni abotere a

ebekyekye ne were na ama n'adesoa aye mmere ama no.

Na wae nyinaa ye osuahu adansedie, Na wae baako ne se, se wosusu nnipa dwumadie ne won tebea mu a, wubehu nsonsonoe kese a eda gyidini a odi dwuma wo ma gyidie mu ne nea onye saa no ntam, Ekyere se Islamsom hye nkuran denneennen se wonnya abotoyam wo Onyankopon nsiesiei ne nea ode ama N'asomfo a eye N'adom ne ayamye ahorow no.

Enti ogyidini no, se nschwe bi te se yaree anaa ohia, anaa ne sesee a eye tebea a obiara tumi hyia no bi to no a, enam ne gyidie ne abotoyam a wo ne n'ani a eso dee Allah ahyehye ama no no so nti, n'akoma to ne yam. Omfa n'akoma nhwehwe asem biara a wanhwe amma no, chwe onipa a onkyen no na onhwe dee onkyen no, na ebia mpo n'anigyee ne n'ahurisie ne n'akomatoyame kyen dee wanya wiasa mu ahwehwedee nyinaa no, se wannya abotoyam a.

Sedee wohunu dee onni dwumadie efa ne gyedie ho no, se nswer bi te se hia ka no, anaase chwere wiasa ndeama nu bi a, wohunu no wo abebrese ne amanehunu kesee pa ara mo.

Na mfatoho foforo: Se esuro siantiri ba, na chaw beka onipa a, wobehunu gyidi fow ampara n'akoma tintim, wo akomatoye, na wo tumi de di asem a eto no mpofirim no ho dwuma enam n'adwen, ne kasa ene n'ye mu ahoden so, wasiesie ne ho ama

ɔhaw a ɛda n'ananim no, na saa tebea yi ma onipa nya ahomeka na ɛma n'akoma timtim.

Saa ara nso na wohunu deɛ ɔnni gyidie no wɔ tebea a ɛne yei bɔ abira mu: sɛ ehu ba a, n'ahuntam yɛ no basabasa, ne ntini mu yɛ den, n'adwene bɔ petee na ehu ne ahodwiriwdeɛ di ne so. Na abɔnten ehu ne emuduro ɛhao a yɛntumi nkyerekyerɛ ne su ankasa mu no ka bom tia no. Na nnipa ko yi, sɛ wannya abɔdeɛ mu akwan bi a ɛhwɛhwɛ ntetɛ pii a, wɔn ahɔden sa na wɔn ntini mu yɛ den, na yei nyinaa firi gyidie a ɛde abotirɛ ba a wonni no nti, titiriw wɔ mmere a emu yɛ den, ne tebea a ɛde awɛɛhɔ ne ahoyeraw ba mu.

Ɔteneneenii ɛne ɔbɔneeni, ne gyedienii ɛne ɔgyefɔ nyinaa wɔ kyɛfa wɔ akokoɔduru a wɔnya no mu, ɛne abɔdeɛ mu su a ɛma ɛhuu yɛ mmere na ɛto ne fam. Nanso deɛ ɛma gyedienii da nso ne ne gyedi mu ahɔden, ne n'abotare, ne n'ahotoso ewu Nyame su, ne n'ahotosɔ a ɔde twere no kor, ne Nyame akatua mu anidaasɔ; nnɔɔma a ɛma n'akokoɔduru mu yɛ den, na ɛtew ɛhuu a ɛda ne so no so, na ɛma ɔhaw yɛ mmere ma no, sɛdeɛ ɔkɛsɛ no kaaɛ no:

﴿...إِنْ تَكُونُوا تَأْلَمُونَ فَإِنَّهُمْ يَأْلَمُونَ كَمَا تَأْلَمُونَ وَتَرْجُونَ مِنْ اللَّهِ مَا لَا يَرْجُونَ...﴾

((.....Sɛ morebrɛ a, saa ara na wɔ'nso rebrɛ sɛdeɛ morebrɛ no ara; moani da biribi so wɔ Nyankopɔn hɔ a, wɔ'nni saa anidaasɔ no...)). [Suuratu Nisaai:104]. Na wɔn nsa ka Onyame mmoa, ne Ne

boa titire, ne N'apɔmuden a ebɔ ehu no nyinaa pete.
Na ɔkaa sɛ:

﴿...وَأَصْبِرُوا إِنَّ اللَّهَ مَعَ الصَّابِرِينَ﴾

((...Na monya aboterɛ. Nokorɛ sɛ, Nyankopɔn ka abotrɛfoɔ no ho)). Suuratul Al-Anfal 46

Papayɛ ma abɔdɛɛ yɛ kasa pa ne dwuma pa. Nneɛma a ɛka ho a ɛpam awerɛhoɔ, adwene mu haw ne ahometɔ a wonni ne papa a wɔyɛ ma abɔdɛɛ wɔ kasa ne nneyɛɛɛ mu, ne papa yɛ ahodoɔ nyinaa. Na yɛi nyinaa yɛ papa ne adɔɛɛ, na ɛnam so na Onyankopɔn de pam awerɛhoɔ ne adwene mu haw firi ɔteneneeni ne ɔbɔnefoɔ so sɛdɛɛ ɛtɛɛ. Nanso gyedini no na ɔwɔ mu kyɛfa a ɛyɛ pɛ na ɛso, na nea ɛma no da nso ne sɛ ne papa yɛ no firi gyedie krɔgyenn mu de hwehwɛ N'akatua.

Na Onyame ma adɛpa yɛ yɛ mmɛrɛ ma no ɛnam nhyira a ɔhwehwɛ kwan nti, na ɔpia amanehunu firi ne so ɛnam ne kra pa ne N'akatua a ɔdɛ pɛ no nti, Otumfoɔ no kaa sɛ:

﴿لَا خَيْرَ فِي كَثِيرٍ مِّنْ نَّجُولِهِمْ إِلَّا مَنَ أَمَرَ بِصَدَقَةٍ أَوْ مَعْرُوفٍ أَوْ إِصْلَاحٍ بَيْنَ
الْأَنَاسِ وَمَن يَفْعَلْ ذَلِكَ أَتَىٰ عَلَىٰ مَرْضَاتٍ لِّلَّهِ فَسَوْفَ نُؤْتِيهِ أَجْرًا عَظِيمًا 114﴾

((Papa biara nni wɔn agyinatuo bebrebe no mu, mmom (agyinatuo a papa wɔ mu ne) obi a ɔrehyɛ (amamfoɔ) ama w'ayɛ adɔɛɛ anaa wayɛ papa, anaa (w'arehyɛ amanfoɔ) ama wasiesie nnipa ntɛm. Na obi a ɔbɛyɛ woi nom de ahwehwɛ Nyankopɔn ho animuonyam no, Yɛ'bɛma no akatua a ɛsom bo paa)). (Suuratu Nisaa'i :114)

Na ɔdomankoma Nyame kyerɛɛ sɛ nneɛma yi nyinaa yɛ papa ma deɛ ɔyɛ no, na papa de papa ba, na epam bɔne. Na ogyidini a ɔhwehwɛ akatua firi Nyame ho no, Nyame ma no akatua kɛsɛɛ, na akatua kɛsɛɛ no fa bi ne sɛ: eyi akoma sɛɛ ne haw ahometew ne amanehunu ne deɛ ɛkeka ho firi ho.

Ɛmpaemu Adwumayɛ anaa Nyimdiye a ɛsoɔ mfasoɔ sua.

Akwan a epam dadwen a ɛfiri adwenemhaw ɛne akoma no de ne ho a ɛhyɛ haw mu no bi ne sɛ: yede yen ho bɛhyɛ adwuma anaa nimdeɛ a ɛwɔ mfasoɔ so mu; ɛfiri sɛ ɛtwe akoma no adwene firi asem a ɛhaw no no so. Na ɛbia ɛnam ɛno so nti ne werɛ firi nsɛntire a ɛde awerɛhoɔ ne adwendwen brɛɛ no, na n'ani agye, na ne ahooɔden adɔɔso. Na saa nsɛntire yi nso, ɛka ogyidini ne deɛ ɔnnɔyɛ ogyidini no nyinaa. Na nso gyedienii da nso wɔ ne gyedi, ne ne nokwaredie, ne n'akatua hwehwɛ mu wɔ adwuma a ɔyɛ no mu wɔ saa nimdeɛ a ɔsua anaa ɔkyerɛ no mu, ɛne adepa a ɔyɛ no mu. Sɛ ɛyɛ ɔsom a, na ɛyɛ ɔsom, na sɛ ɛyɛ wiase adwuma anaa suban bi a, na adwene pa na ɛka ho. Na ɔde hwehwɛ mmoa ɛnam so de yɛ Onyankopɔn asotie, enti ɛno wɔ nkɛntenso pa wɔ adwenemhaw ne awerɛhoɔ ne abasamtuo pam mu. Na nnipa dodoo sɛn na akomatu ne amanehunu a ɛnntwa da asɔ wɔn ahwɛ, na ayɛ ma wɔn anya nyarewa ahodoɔ, na n'ayaresa a ɛtu mpon bɛyɛɛ (sɛ

ne were befi dee ehaw no na emaa n'akoma tuu no, na ode ne ho ahye n'adwumahia no bi ye mu).

Na ese se adwuma a nye no ye biribi a okra no nya abotonyam wo mu na epe, efiri se eno na ema eye mmere se obenya botae a mfaso wo so yi, na Onyame na Onim.

Adwene nyinaa kabom wo nne da yi dwumadie so, Na dee epia adwennwen ne ahoyeraw no bi ne se wode adwene nyinaa besi enne da dwumadie so, na watwa ho afiri daakye bere ho adwennwen, ne awereho a efa bere a atwam ho. Eno nti na Okomhyani no "Onyame asomdwie nka no" hwehwee ntwitwagye firii adwennwen ne awereho mu, efise awereho a efa nneema a atwam a yentumi nsane n'akyi anaase yebesiesie no nni mfaso. Na adwennwen a enam daakye ho suro so ba no nso tumi de chaw ba. Enti, ese se akoo no de n'adwene si ne da no so, oboaboa ne mmodenbo ne n'anhyese nyinaa ano de siesie ne da ne mmere a wo mu seesei no. Efise se wode koma si wei so a, ema nnwuma di mu pepe, na akoo no nam so nya awerekyekyer fi adwennwen ne awereho mu. Na Okomhyeni no, Allah nhyira ne n'asomdwoe nka no, se obo mpaee bi anaa okyer n'amanfo kwan ko mpaeb so a, chye nkuran se bere a yede yen ho to Allah so na yen ani da n'adom so no, yemfa ahokyer ne mmodenbo nso nye adwuma na ama yeanya dee yerebo ho mpaee no. Ne gyae a obegyae adee a obo mpaee se wonyi mfiri ho no; efiri se

mpaebɔ ne adwumaye na enam, enti akɔa no bɔ mmɔden wɔ neɛ ebema no mfasɔ wɔ ɔsom ne wiase mu, na ɔsrɛ n'Awurade sɛ n'atirimpɔ beye yie, na ɔsrɛ ne mmɔa wɔ eno ho, sɛdeɛ Ɔkɔmhyeni Allah nhyira ne n'asomdwoee nka no kaa no:

(اٰحْرَصْ عَلٰى مَا يَنْفَعُكَ وَاسْتَعِزْ بِاللّٰهِ وَلَا تَعْجِزْ، وَاِذَا اَصَابَكَ شَيْءٌ فَلَا تَقُلْ: لَوْ اَنْبِىَ فَعَلْتُ كَذَا كَانَ كَذَا وَكَذَا، وَلٰكِنْ قُلْ: قَدَّرُ اللّٰهُ وَمَا شَاءَ فَعَلَ، فَاِنْ لَوْ تَفَتَّحْ عَمَلُ الشَّيْطَانِ)

Bɔ mmɔden wɔ deɛ ewɔ mfasɔ ma wo soɔ, na srɛ mmɔa firi Onyame hɔ na mma w'abam mmu, na sɛ biribi to wo a, nka sɛ: 'Sɛ anka meyeɛ sei a, anka ebeyeɛ sei ne sei,' na mmom ka sɛ: 'Onyame nsenhyehyeɛ ni, na deɛ ɔpre no, ɔyeɛɛ,' efirise 'sɛ anka' no bue ɔbonsam adwuma ano. Efiri Muslim ho. Enti Ɔkɔmhyeni no, Nyankopɔn nhyira ne asomdwoee nka no, kaa ahyedee a ene sɛ yebeye mmɔden wɔ nsem a mfasɔ wɔ so wɔ tebea biara mu, na yɛahwehwe Onyankopɔn mmɔa na yɛamfa yen ho amma ntɔkwaw a eye akwadworɔ a ede ɔhaw ba no ase no, ne ɔbrebrease a yede ma nsem a atwam a wɔadi ho dwuma awie, ne Nyankopɔn atɛnmu ne n'ahyedee a yehunu no, bɔɔ mu.

Na Waye nsem no afaafa mmieniu: fa baako a akowa betumi abɔ mmɔden anya, anaa ɔnya nea obetumi afa mu, anaa ɔpam anaa ɔte soɔ, na wɔ saa deɛ yi mu no, akowa no bɔ ne mmɔden na ɔhwehwe mmɔa firi nea ɔsom no hɔ. Na efa bi a entumi nye yie wɔ mu no, eno deɛ ɔkoo no nya mu akomatɔye na

ogye tom na ɔde ne ho ma. Na akyinnyee nni mu se saa nnyinaso yi so hwe no ede anigyee ba na eyi ehaw ne awereho.

Kyegyemu: Allah Nkaee a Wɔma no Kɔ Soro/pii.

Na nsentire akeseɛ a ede akoma mu tɔye ne akomatɔee ba no mu baako ne: Allah nkaekaeɛ bebreɛ, efiri se eno wɔ nkentensoɔ nwanwasoɔ wɔ akoma mu tɔye ne akomatɔee mu, na eyi ne dadwene ne n'awerehoɔ firi ho. Se neɛ Okokuroko no kaeɛ no:

﴿...أَلَا بِذِكْرِ اللَّهِ تَطْمَئِنُّ الْقُلُوبُ﴾

((...Nokore se, Onyankopɔn nkaekaeɛ ho na akoma nya abotɔyemu)). [Suratur Raad 28] Nyame nkaee wɔ nsunsuansoɔ keseɛ a ema wɔnya deɛ wɔhwehwe, enam ne su titiriw ne akatua a akowa no wɔ ho anyidasoɔ no nti.

Wɔkasa fa Onyame adom adaadi ne awinta no ho, Saa ara nso na Onyame adom a eda adi ene deɛ ahintaw no ho asem a yebeka, efirise eho nimdee ne ne ho asem a yebeka no, Onyame de yiye awerehoɔ ne adwendwen, na ehye akoa no nkuran ma ɔye aseda a eno ne gyinabere a ekorɔn na eso kyen ne nyinaa, se mpo akoa no wɔ ohia anaa yadeɛ anaa ehao ahodoɔ foforoɔ biara mu a. Na se ɔde Onyame adom a ewɔ ne so - deɛ yentumi nkan na yentumi mmu ano - toto amanehunu a ato no ho a, na amanehunu no ne adom no nni nsesoɔ koraa.

Daabi, ahokyeree ne amanee, se Allah de so ɔdonko bi hwe, na ɔde abotare ne ani a ɛso ne ne ho a ɔde ma no gyina mu a, eho haw so tew na eye mmerew. Na anidaso a ɔdonko no wa wa n'akatua ne ne nhyira ho, ne Allah som a enam abotare ne ani a ɛso so ba no, ema nneema a eye yaw no ye de, ma n'akatua mu de no ma ne were fi abotare no mu yaw.

Se yebehwe won a wɔhye yen asee no, Na nnooma a mfaso wa so pa ara wa asem yi mu ne se yebedi akwankyerɛ a ɛwa Ɔkɔmhyɛni -Allah nhyira ne n'asomdwoee nka no- n'anoasem a eye nokware no mu no akyi, eberɛ a ɔkaa se:

(انظُرُوا إِلَى مَنْ هُوَ أَسْفَلَ مِنْكُمْ وَلَا تَنْظُرُوا إِلَى مَنْ هُوَ فَوْقَكُمْ فَإِنَّهُ أَجْدَرُ أَنْ لَا تَزِدُّوا نِعْمَةَ اللَّهِ عَلَيْكُمْ)

(Monhwe deɛ ɔwa fam kyɛn mo, na monnhwe deɛ ɔkyɛn mo, efiri se eno na efata paa sɛdeɛ ebeye a moremmu Nyankopɔn adom a ɛwa mo so no animtia.) Efiri Muslim ho. Nokware, se akowa no de saa nteaseɛ keɛɛ yi si n'ani so a, ɔbehunu se ɔkyɛn abɔdeɛ bebreɛ wa apɔmdɛn ne deɛ ekeka ho, ne akɔnhoma ne deɛ ekeka ho mu, emfa ho tebea biara a ɔwom. Enti n'adwenɛhuhu ne n'awɛɛhoɔ beyera, na n'anigyɛɛ ne n'ahosɛɛɛ bɛdɔɔso wa Nyame adom a ɔde akyɛn afoforɔ a won deɛ sua kyɛn ɔno deɛ no mu.

Se akowa no de berɛ tenten dwene Onyame adom a ɛda adi ne deɛ ahunta no, deɛ efa ɔsom ne

wiase mu dee no ho a, ɔbehunu se ne Wura no ama no yie na wayi amanehunu ahodoɔ bebreɛ afiri ne so. Na nokware, yei na epam awerehoɔ ne adwendwene, na ema anigye ne ahosepe ba.

Nkyekyemu: Mmɔdemmmɔ wɔ nneɛma a ɛde awerehoɔ ba yiye mu, ne nneɛma a ɛde anigyeɛ ba nya mu.

Nneɛma a ɛde anigyeɛ ba na eyi adwene ne awerehoɔ firi ho no mu bi ne se, wɔbeɔ mmɔden ayi nneɛma a ɛde adwene ba no afiri ho, na wɔahwehwe dee ɛde anigyeɛ ba; na eno nam so ba se onipa bema ne were afiri amanehunu a atwam a ɔntumi nsakra no, na wahunu se se ɔde n'adwene besi so a, eyɛ ɔkwa ne ade hunu, na eyɛ nkwaseasem ne ɔbadwen. Enti ɔne ne koma di aperepere se ɔren dwene ho, na saa ara nso na ɔne ne koma di aperepere fa ne dadwene a ɔwɔ wɔ dee ebɛba daakye ho no, te se ohia anaa ehu anaa amanehunu foforo biara a ɔdwene se ebɛto no wɔ n'asetena mu daakye no. Na ɔbehunu se yennim nneɛma a ebɛsi daakye ne dee ewɔ mu a eyɛ adepa ne bone, anidasoɔ ne ɔyaw, na ewɔ Otumfoɔ Onyansafoɔ no nsam. Nkoa nni ho tumi biara gye se mmɔden a wɔbe se wɔbenya mu nnepa na wɔayi mu mmusuo afiri ho. Na akoa no hunu se, se ɔdane n'adwene firi ne dadwene a ɔwɔ fa n'asem a ebɛsi daakye ho so, na ɔde ne ho to ne Wura so wɔ ne yeɛ mu, na n'akoma to ne yam wɔ saa asem no mu, se ɔye saa a,

n'akoma beɓo ne yam, na n'asetena mu nneema beye yie, na ne dadwene ne n'ahodwan befiri ne so.

Senea wode nkotɔsrɛ di dwuma, Na nneema a mfasoɔ wo so paa wo daakye nsem mu nhwehwemu no mu baako ne saa mpaebɔ a na Ɔkɔmhyɛni Nyame nhyira ne n'asomdwie nka no de bo no:

«اللَّهُمَّ أَصْلِحْ لِي دِينِي الَّذِي هُوَ عَصَمَةُ أَمْرِي وَأَصْلِحْ لِي دُنْيَايَ الَّتِي فِيهَا مَعَاشِي، وَأَصْلِحْ لِي آخِرَتِي الَّتِي إِلَيْهَا مَعَادِي، وَاجْعَلِ الْحَيَاةَ زِيَادَةً لِي فِي كُلِّ خَيْرٍ، وَالْمَوْتَ رَاحَةً لِي مِنْ كُلِّ شَرٍّ»

«Allaahumma aslih lii diiniyal-lathii huwa 'ismatu amrii, wa aslih lii dunyaaya-llatii fiihaa ma'aashii, wa aslih lii aakhirati-llatii ilayhaa ma'aadii, waj'alil-hayaata ziyaadatan lii fii kulli khayrin, wal-mawta raahatan lii min kulli sharr.» O Onyankopɔn, siesie me som no ma me yie, a eno ne me nsem nyinaa ho banbo; na siesie me wiase yi ma me yie, a emu na me nya m'asetena; na siesie m'atamuada no ma me yie, a eho ne me nkyi san ko. Na ma nkwa yi nye nkɔanim mma me wo papa biara mu, na ma owuo nso nye ahomegyee mma me mfi bone biara mu. Efiri Muslim ho. Saa ara nso na ɔkaa se:

«اللَّهُمَّ رَحْمَتَكَ أَرْجُو فَلَا تَكِلْنِي إِلَى نَفْسِي طَرْفَةَ عَيْنٍ وَأَصْلِحْ لِي شَأْنِي كُلَّهُ، لَا إِلَهَ إِلَّا أَنْتَ»

«O Allah, W'ahummɔboro na mede me ho to so, enti nnyaw me mma me ho aniwa akyi bere koraa, na siesie me nsem nyinaa ma me, Awurade biara nni ho gye Wo» Abu Dawud na ɔde bae a, ne nkyerɛkyeremu kwan no ye nokore. Enti se akoo no

taa bɔ mpaebɔ yi a ɛfa ne daakye som ne wiase mu yieye ho no, de akoma a ɛte ase ne adwene pa, na ɔde mmɔdenbɔ ka ho wɔ deɛ ɛbɛma no aye yie no mu a, Onyankopɔn ma ɔnya deɛ ɔsrɛɛɛ, deɛ ɔhwɛɛ kwan, na ɔye ho adwuma no, na ne dadwene dane anigye ne ahosɛpɛ.

Ɔfa a ɛrekyerɛ Tirimpɔ bɔne ho nsusuiɛ.

Akwan a ɛwɔ mfasɔɔ so a ɛyi adwenɛhuhu ne akomaseiyyɛ firi hɔ, sɛ ɔhaw bi bɛto akɔa so a, ne sɛ ɔbɛbɔ mmɔden sɛ ɔbɛte sɔɔ denam so a ɔbɛdwene tebea bɔne paa a asem no bɛtumi de aba ho, na ɔde ne ho ato so. Sɛ ɔye saa a, ɛno deɛ ɔmmɔ mmɔden sɛ ɔbɛte deɛ ɔbɛtumi ate sɔɔ no so. ɛnam saa ho a ɔde toɔ sɔɔ yi ne saa mmɔdenbɔ mfasodeɛ yi so no, n'akomaseiyyɛ ne n'awɛrɛhɔɔ bɛyera, na mmɔdenbɔ no bɛye deɛ ɛde mfasɔɔ brɛ, na apam ɔhaw a ɛye mmerɛ ma akɔa no.

Enti sɛ ehu, yareɛ, ne ohia ne nneɛma ahodoɔ a ɔpɛ na ɔnnya no bɛto no a, ɛsɛ sɛ ɔde akomatɔyam gyina ano, na ɔsiesie ne kra ma ɛto hɔ, na mmom ɔnsiesie ne ho mma deɛ emu ye den paa a ɛbɛtumi aba no. Efisɛ ɔkra no a wobɛsiesie no sɛnea ɛbɛtumi agyina amanɛhunu ano no, ɛma no ye mmerɛ na ɛyi emu denye no firi hɔ, titire sɛ ɔde ne ho hyɛ mu sɛ ɔbɛbɔ mmɔden ako atia sɛdeɛ ne tumi bɛso a. ɛno ma ɔkra no a ɔsiesie no ne mmɔdenbɔ pa a ɛtwe n'adwene firi amanɛhunu no ho no ka bom ma no. Na ɔbɛko atia ne kra no de asan anya ahɔɔden de

agyina ɔhaw no ano, bere a ɔde ne ho to Onyankopɔn so na ɔwɔ Awerɛhyɛmu pa wɔ Ne mu. Akyinnyeɛ biara nni ho sɛ saa nneɛma yi wɔ mfasoɔ keɛsɛ pa ara wɔ anigyɛɛ ne akomatɔyam a wɔde nya no mu, a ɛka akatua a akoa no wɔ ho anidasoɔ wɔ ɛberɛ tiaa ne tenten mu no ho. Yei yɛ adeɛ a yɛahu na yɛaso ahwɛ, na nsem a ɛfa wɔn a wɔaso ahwɛ no ho ɔɔso yie.

Nkyekyɛmu: Akoma ahɔɔden ne sɛ ɛnye basabasa na ɛmu nsi no hye.

Ayarisa akɛsɛɛ no mu baako a ɛsa akoma mu adweneyareɛ, ɛne honam mu yarea nso ne sɛ: Akoma no bɛyɛ den na ɛremma nsusuiɛ hunu ne adwenem-shɛshɛ a adwen bɔne de ba no nhaw no anaa ɛmma no nye basaa. Na abufuw ne adwene mu basabasa yɛ saintiri a ɛde yaw ba no mu bi; na kwan a wɔhwɛ sɛ amanɛhununu bɛba na nneɛma pa ayera no, ɛde onipa kɔ dadwen ne awerɛhow, ne akoma ne honam mu nyarewa, ne adwene a ebubu a nnipa ahunu ɛmu mmusuo bebreɛ no mu.

Ɔde wo hu betwire Onyame Na ɛmmere biara a akoma no de ne ho to Nyame so, na ɔde ne ho twere No, na w'amfa ne ho amma adwenem nnaadaa anaa adwene bɔne anni ne so, na ɔwɔ Nyame mu aɔtosɔɔ na n'ani da N'adom so no, wɔnam saa kwan no so pam akomasɛiyyɛ ne awerɛhoɔ firi ne so, na ɛyi honam mu ne akoma mu nyarewa pii firi ne so nso. Na akoma no nya ahɔɔden ne akomatɔyɛ

ne anigyeε a yentumi nka ho asem biara. Ayaresabea bebreε na ayarefoε a wεn yareε ye adwenem nnaadaa ne adwene porceε ayε mu ma, na nnoεma yi anya ahoεdenfoε pii akoma so nkentensoε dodo, εnka mmrefoε no deε, na mpen dodoε sen na εde akε agyimisem ne εbadwen mu. Na onipa a wanya ahotoε ne deε Onyame ama no ahotoε na wakyere no kwan ma wako atia ne kraa de anya akwan pa a mfasoε wε so a εhyε akoma den, na εpam ne dadwene. Na Okae se:

{...وَمَنْ يَتَوَكَّلْ عَلَى اللَّهِ فَهُوَ حَسْبُهُ...}

((...Obia εde ne ho βeto Nyankopεn soε no, Osombo ma no)). [Suuratu Talaq:3]. Osombo ma no εfa neε εha no biara wε ne som ne ne wiase mu.

Enti deε εde ne ho twere Nyame no, n'akoma ye den, adwenem nnaadaa nntumi no, na nsem a εsisi nnto no haw, εfiri se εnim se εno firi okra mmerεye mu, ne akokoεntoε ne ehu a εnni nnyinasoε mu. Na εsan nso nim se nokware Nyame asi so dua ama deε εde ne ho to No soε se εβεε no mu pεε, enti εnya awerehyemu wε Nyame mu na n'akoma tε ne yam wε n'ahyεbo no ho. Na n'adweneadwene ne n'ahiasem yera, na ne εhaw dane mmerεwyε, n'awerehoε dane anigyeε (na Turahe kyere awerehoε), ne suro dane bammε. Enti yesre No, εdomankoma no, ahoεden, na εde adom ama yen akoma den ne ne timtim ye, ne εho twere a εye pε no a Nyame ahyε ho bε ama wεn a wεwε mu no se

ɔde papa biara bɛma wɔn, na wapam bɔne ne haw biara (na Dairu kyere ɔhaw).

ɔfa erekyire Okra no ntetes wɔ afoforo mfomsoɔ ho boasetɔ mu.

Na wɔ ɔkɔmhyeni -Nyame nhyira ne n'asomdwie nka no- anoasem mu no:

«لَا يَفْرَأُ مُؤْمِنٌ مُؤْمِنَةً إِنْ كَرِهَ مِنْهَا خُلُقًا رَضِيَ مِنْهَا خُلُقًا آخَرَ»

«Ogyidini barima nkyiri ogyidini baa; se ɔkyiri ne suban bi a, n'ani begye ne deɛ foforo bi ho» Efiri Muslim ho.

Mfasoɔ keɛɛ mmienu:

Emu deɛ di kan: eye akwankyerɛ fa sɛdeɛ ye bɛye yen yare, busuani, adamfo, ne obiara a nkitahodie da yen ntamu, na eɛ se wosiesie woho se ewɔ se ɔbenya mfomso anaa deɛ enhyia anaa asem bi a wokyiri, na se wohu saa a, fa toto saa ade no ne deɛ eɛ wo anaa efata wo se woye de hye nkitahodie no mu den na ɔɔ no atena ho daa, enam nneɛma pa a ewɔ ne mu a wobekae no so, ne atirimpɔw a efa no nkoa ne nnipa nyinaa ho. Se woyi w'ani fi nneɛma bɔne so na wode w'adwene si nneɛma pa no so a, adamfofa ne nkitahodie no betena ho daa na woanya ahomka.

Mfasoɔ a etɔ so mmienu: Ema dadwene ne ahoyeraw tu yera, na akoma tɔ yie, na wɔkɔ so di kyefa a eye ahyedee ne deɛ efata so, na ahomeka ba wɔn baanu ntam. Na onipa a wamfa saa afotuo a Odiyifo ﷺ de mae yi anye adwuma -na mmom

ɔhwɛɛ nnɔɔma bɔne no pɛ, na n'ani firii nnɔɔma pa no ho-, endee ɛɛ sɛ ne were how, na ɛɛ sɛ ɔɔɔ a ɛda ɔne ne yɔnko ntam no mu sɛɛ, na ɛma kyɛfa pii a ɛɛ sɛ wɔn mu biara bɔ ho ban no mu tetero.

Na nnipa pii a wɔwɔ apɛdɛɛ a ɛkorɔn no siesie wɔn ho wɔ abotare ne akomatɔyam so de gyina ɔhaw ne mmosua ano. Nanso wɔ nneɛma nketenkete a ɛho nhia ho no, wɔn adwene tu, na akomatɔyɛ no yera. Dɛɛ ɛma no te saa ne sɛ wɔatete wɔn kraa ama nneɛma akɛsɛɛ, na wɔagyaw no wɔ nneɛma nketewa fam, na ɛno haw wɔn na ɛsɛ wɔn ahomeka. Enti, onipa nyansafoɔ no tete ne kraa wɔ nneɛma nketewa ne akɛsɛɛ nyinaa ho, na ɔsrɛ Allah mmoa wɔ so, na sɛ ɔmmfa no nnhyɛ ne ho nsa ani bɔ mu baako pɛ mpo. ɛno ansa na dɛɛ ɛyɛ ketewa no bɛyɛ mmɛrɛ ama no, sɛdɛɛ dɛɛ ɛyɛ kɛsɛɛ no yɛɛ mmɛrɛ no. Na n'akoma nya akomatɔyɛ, asomdwoɛɛ, ne ahomegyɛ.

ɔfa ɛrekɪrɛ sɛ ɛnni sɛ wɔtuaso di adwenedwne ne ndaadaa akyi

Nyansani no nim sɛ n'asetena tenenɛɛ yɛ anigyɛɛ ne komdɔyɛ asetena ɛna ɛyɛ tiaa pa ara, enti ɛnsɛ sɛ ɔde adweneadwene ne awɛrɛhoɔ a ɛkɔ so daa yɛ no tiaa, ɛfiri sɛ ɛno bɔ abira ne asetena tenenɛɛ no. ɛno nti ɔyɛ pɛsɛmenkɔm wɔ n'asetena ho sɛ ɛfa kɛsɛɛ bɛkɔ ayɛ ɔhaw ne amanehununu afɔdɛɛ, ɛna nsonɔɛɛ biara nni yei mu wɔ ɔteneneɛni ne ɔbɔnefoɔ ntam, nanso ɔgyidini no na ɔwɔ kyɛfa a ɛboro so wɔ saa su

yi mu yedie pa ara mu, ne kyefa a ewo mfasoɔ wo wiase ne atamoda.

Ntotohoɔ a ewo Onyame adom ne mosuo a eto no ntam, Na ese nso se, emmere a ehao bi beka n

o anaase osuro ho no, ɔde adom a aka a wahunu wo ne mu no, se eye som mu deɛ anaa wiase mu deɛ, betoto ehao a aka no no ho. Na efiri saa ntotoee no mu na ebɛda adi senea adom a ɔwo mu no dɔɔso, ɛna senea ehao r 5 55 a aka no no nso asɔe.

Saa ara nso, ɔde ɔhaw a ɔsuro no ne ahobammo akwanya pii a ewo mu no toto ntam, na ɔmma adwen mmerew no nni deɛ edɔɔso a ewo ahooɔden no so. Wei so no, n'adwendwen ne ne suro no beyera. Na ɔsusu deɛ eso koraa a ebetumi ato no ho, na ɔma ne kra siesie ne ho ma no se esi a, na ɔbo mmooɔden se ɔbɛpia deɛ emmesiie, na wayi deɛ asi no afiri ho anaa wate so.

Nnipa ɔhaw wo wɔn so, gye se wode wo ho hye mu. Nneɛma a ewo mfasoɔ so no bi ne se wonim se ɔhaw a nkurofoɔ de bre wo, titiriw wo nsem bone mu no, ɛha wo, na mmom wɔn ara na eha wɔn, gyese se wode w'adwene hye mu, na woma no kwan ma edi w'atenka so, saa bere no na ebɛha wo sedee ehaa wɔn no. Na se woamfa anye asem a, ɛrenha wo hwee koraa.

Ma wo asetena nye kamakam papa enam adwen a ewo nfasoɔ so. ɛna hunu se w'asetena gyina w'adwene so, na se eye adwene a efa deɛ ede mfasoɔ bre wo wo wo som anaa wiase mu a, ɛnnee

w'asetena ye papa a anigyee wom, na se ente saa a, enne ase no ate atia.

Se adeyo beye Nyame nti, na emmom enye abodee nti. Na nsem a ewo mfaso a epam adwenhaw no mu bi ne se, wobesi w'adwene pi se worenhwehwe aseda mfiri obiara ho gye se Nyame nkoa. Se woye obi a wo hokwan wo wo so, anaase dee onni biara no yie a, hunu se wei ye wo ne Nyame ntam dwumadie. Enti ense se wohaw wo ho fa aseda a efiri dee w'adom no ho, sedee Onyankopon kae fa n'abodee mu nnipa titire no ho se:

{إِنَّمَا نَطْعُمُكُمْ لَوَجْهِ اللَّهِ لَا نُرِيدُ مِنْكُمْ جَزَاءً وَلَا شُكْرًا 9}

((Dee woka ne se: Ye dee yere ma mo aduane adi de ahwehwe Nyankopon ho animuonyam; yenhwehwe akatua anaa aseda bi wo mo ho)).
Suuratu Al-Insan 9

Na yei si so dua wo wo ne w'ebusuafo ne wo mma ntam di mu, ne den a wo ne won ntam ayonkofa no ye. Se wotete wo kraa se wobeyi bone afiri won so a, wama won ahome na wo ara nso w'anya ahome. Na awerekyekye nso fi mu ba se wofa su pa di dwuma senea wo kraa kyere wo, na enye chye a ede chaw bebre wo so; eno dee, ebema woasan w'akyi a w'anim agu ase se woannya su pa no, efiri se wofaa okwan a akyeakyea so. Na yei ka nyansa ho, ne se wobefa nsem a emu ye duru adane no dee emu tew na eye de. Eno so na anigyee mu ahotee bedwoso, na amanehunu nso beyera.

Yede yen ho hye dwumadie pa mu, na yegya dwumadie bone, Fa nsem a ewo mfaso si w'ani so na bo mmoden se wobeye no yie, na mma w'adwene nko nsem a ede chaw ba so; senea ebeye a wodee no beyi w'adwene afiri nneema a ede adwennwene ne awereho ba so, na fa ahomegyee ne adwene a eka bom ye nnwuma a eho hia no.

Nnwuma nsisiee preko pe. Nneema a ewo mfaso no bi ne se wobeye nnwuma awie ntem ara, na woanya kwan ama daakye nso; Na se woanye saa a, kane nnwuma no nkae beboaboa ano wo wo so, na wode dee ereba no aka ho, ma aye wo adeso. Se woye biribiara wie wo ne bere mu a, wobanya adwene ne adwumaye mu ahoden de adi daakye nsem so.

Dea edi kan ho nhyehyee, ne a guni, Ee se woyi dwumadie a ewo mfaso no mu, na wode dee ehia paa di kan, na yi mu dee wo kra pe na w'akonn wo ho, na nea ene wei bo abira de obre ne abasamtuo ne awereho na eba. Na fa adwendwene a etee ne tuagye hwehwe eho kwan, na obi a obisa tuo nnu ne ho da, na ye dee wope se woye no ho nhwehwemu perepere, na se wohunu mfaso a ewo mu na wosi wo bo a, de wo ho to Nyame so, nokware se Nyame do won a wode won ho to ne so no.

Aseda nyinara wo Onyame abode nyinaa wura.

Na Nyame nhira ne N'asomdwoe nka yen Wura Muhammad, ne Nefiefo ne n'asuafos.

Index

Akwan a eho wɔ mfasoɔ ma anigyee asetena.	2
Akwan a ewɔ mfasoɔ ma anigyee asetena.....	2
ɔkyerewfo	2
Shaikh Abd al-Rahman ibn Nasir Saadii - Onyame ahunumɔbro nka nɔ.....	2
Nsem a edikan/ Nnanim nsem.....	2
Ɔfa: Gyidie ne Dwumadie papa	3
Empaemu Adwumaye anaa Nyimdiye a esɔɔ mfasoɔ sua.	9
Kyekyemu: Allah Nkae a Wɔma no Kɔ Soro/pii.....	12
Nkyekyemu: Mmɔdemmo wɔ nneema a ede awerehoɔ ba yiyie mu, ne nneema a ede anigyee ba nya mu.....	14
Ɔfa a erekyere Tirimpɔ bɔne ho nsusuiɛ.	16
Nkyekyemu: Akoma ahooɔden ne se enye basabasa na emu nsi no hye.	17
Ɔfa erekyire Okra no nteteɛ wɔ afoforo mfomsoɔ ho boaseto mu.	19
Ɔfa erekyire se enni se wɔtuaso di adwenedwne ne ndaadaa akyi	20